

CHATUAN THUTHLUNG

CHÂNGVAWN: “Tin, kei leh nang leh i hnu-a i thlahte, an thlah chhâwng zêlte thleng pawhin ka thuthlung hi i tân leh i hnu-a i thlahte tâna an Pathian ni tûrin kumkhaw thuthlung atân ka tinghet ang” (*Genesis 17:7*).

SABBATH CHAWHNÛ

APRIL 17

Chhiar Tûrte: *Genesis 15:7–18; 17:17:1–14; 41:45; Exodus 3:14; Dan. 1:7; Thupuan 14:6, 7.*

THLÎR LÂWKNA: Pathian hming chu eng nge a? A hming awmzia chu eng nge ni? Abrama hnêna a sawi a hmingte khân eng nge pawimawhna a neih hlawm? Amah nihna sawina atâna a hman thîn a hmingte chu eng nge ni? Engati nge Pathian hian Abrama hming kha Abrahama tia a thlâksak? Engati nge hming hi a pawimawh viau? Thuthlunga mihringte tih tûr awmte chu engte nge ni?

KAN naupan lâia kan dam loh châng te leh, hritlâng âwmna kavânga kan khua a sik tum te kha kan la hre hlawm ang chu maw? Chutianga kan nawmsam loh lâi chuan zânah te hian muthilh a harsa thîn hle a, kan mutna khum bula lo thû reng kan nu emaw, pa emaw te malchung chu kan va pan leh nge nge thîn a nih kha.

Khatia tui a rawn lêt hnu khân sualna chuan khawvêl hi a luh chilh thûk ta telh telh a, chumi avânga dam lo khawvêl kiangah chuan Pathian hi a lo thû reng angin han mitthla îla. Pathian chuan Abrama kha ko chhuakin, amah kal tlang hian mîte hnêna ama chanchin puang darhtu tûr leh chhandamna thu thlentu tûr hnam din a tum a ni.

Chutichuan, Abrama leh a thlahtu kha thu thlunpuiin chu thuthlung chuan sual leh a rah lak ata mihringte chhanchhuah an nih theihna tûra Pathian ruahmanna chu chipchiar zâwkin a rawn

tilang ta. LALPA chuan a khawvêl siam hi ngaihthahin a kalsan mai dâwn lo va. Tûn kârah hian Abrama nêna thu an thluna thutiam awmte chu chipchiar deuh zâwkin kan thlîr ho dâwn a ni.

SUNDAY

APRIL 18

Jehova leh Abrahama thuthlung

“Tichuan, a hnênah heti hian a sawi a: ‘He ram hi luah tûra pe tûr che-a Kaldai-ho khua Ur atâ hruai chhuaktu che LALPA kha ka ni’ tiin” (*Gen. 15:7*).

Hming hi a châng chuan kan kutchhuak bungrua eng emaw chhinchhiahna ang deuh a ni thîn a. Tute emaw hming kan han lam rîk chiah hian, kan rilru-ah chu hming neitu nungchang leh mizia chu a lo lang ve nghâl thuai thîn. Khawvêl huapa mi lâh leh hmingthang, entîr nân, Albert Einstein-a te, Martin Luther King Jr. te, Mahatma Gandhi te leh Dorki te hming kan lam hian kan rilru-ah eng nge lo awm thîn le? Hêng mîte hian mîte hriat hlawh an nihna tûr leh ngaihsân an nihna chhan tûr nungchang leh thil tha tih eng emaw an nei theuh a ni.

Bible ziah a nih lâi hun pawh khân Bible ram vêla (Near East) chêngte chuan hming awmzia hi an dah pawimawh êm êm thîn. “Hebrai mîte chuan hming hi a putu nungchang entîrtu emaw, a sa-tu ngaihtuahna leh rilru tilangtu emaw niin a ngâi a, a nih loh pawhin, a pu-tu pian lâi vêla thil thleng lian tham hriat rengna angah pawh an ngâi baw k thîn.”—*The SDA Bible Commentary*, vol. 1, p. 523.

Pathianin Abrama thuthlung a rawn siampui hmasak tum khân, *YHWH* (a lam dân chu *Yahweh* tih a nih rin a ni a, Sap tawng Bible, KJV-ah chuan hawrawppuiin, LORD tia dah a ni a; Mizo tawng Bible-ah pawh LALPA tia dah a ni) tih hming pû-in a hnênah a rawn inpuang a. Chuvâng chuan, Genesis 15:7-ah

pawh, “Kaldâi-ho khua Ur ata hruai chhuaktu che LALPA ka ni” tia dah a ni.

YHWH tih hming hi Thuthlung Hlui lehkhabu-ahthe hian vawi 6,828 lâi lang mah se, a awmzia dik tak erawh hriat a ni lo tlat thung. Hebrai ãawnga thiltih sawina thumal, *hayah*, (a awmzia chu ‘awm’ tihna) ațanga lo kal niin a lang a, chuti a nih chuan “Chatuana,” “Awma,” “Mahnia-Lo-Awma,” “Mahnia-Awm-Theia,” “Chatuana awma” tihna te a ni ang. Hemi hmingin a tihlan Pathian zepui langsâr deuh deuh pahnih chu mahnia lo awm a nihna leh a rinawmna hi a ni a. Hêngte hian LALPA chu Pathian nung, nunna Hnâr a ni tih sawiin, milem be mîte pathian, a betute ngaihtuahna leh suangtuahnaah chauh nungte lakah chuan danglam tak a ni.

Amah Pathian ngeiin *Yahweh* tih awmzia chu Exodus 3:14-ah hian a sawi fiah a—”AWMA KA NI” a ti. Hê a hming awmzia a sawi hian Pathian chu awmfirtu eng emaw awm ve chuang lova amaha lo awm tawp a nihzia a tilang a, chu mâi bâkah chuan, hun kal tawh leh tûn hun leh hun lo la kal leh zêl tûrah pawh thuneitu a nihzia a puang chhuak bawk.

Yahweh tih hi Pathian mi mal hming a ni nghâl bawk a. Ur khua ațanga Abrama hruai chhuaktu nia *Yahweh* sawi a ni hian Genesis 12:1–3-a kan hmuh Pathianin Abrama thu thlunpui a nih thu a sawi kha a rawn suih zawm ta chiaa a ni. Pathian chuan Abrama khân a hming hria se a duh a, a chhan pawh chumi hming chuan a nihna, a nungchang leh mizia a puan chhuah vâng niin, chumi hriatna ațang chuan a thuthiamahthe rinna nghah ngam dân kan lo hriat phah thei dawn a ni (*Sâm 9:10, Sâm 91:14*).

***Yahweh* tih hming i ngaihtuah châng hian i rilru-ah eng ang nungchang leh mizia nge lo lang nghâl ãhîn le? Hmangaihna te, ngilneihna te, mi dang ngaihsakna te nge lo lang a, hlauhna, kherkhiapna leh inthununna zâwk? *Isua* tih hming i ngaihtuah châng hian eng ang ngaituahnate nge i rilru-ah lo awm ãhîn?**

“Abrama chu kum sawmkua leh kum kaw mi a nihin, LALPA chu Abrama hnênah a rawn inlâr a, a hnênah, ‘Kei hi Pathian Engkimtitheia ka ni; ka hmâah awm la, tha famkimin awm rawh’ tiin a hrilh a” (*Gen. 17:1*).

A hmâ pawhin Yahweh hi Abrahamana hnênah vawi eng emaw zât a lo inlâr tawh a (*Gen. 12:1, 7; Gen. 13:14; Gen. 15:1, 7, 18*). Tûnah hian rawn inlâr lehin (“LALPA chu Abrama hnênah a rawn inlâr a”), “Pathian Engkimtitheia” a nih thu a rawng puang ta a—he hming kher hi chu Genesis-ah leh Joba lehkhabu-ah chiah hman a ni nghe nghe bawk. “Pathian Engkimtitheia” tih hminga ‘*El* tih lâi hi Sema thlah hnamte zînga Pathian hming sawina thumal hman tânglâwn tak a ni a. Tin, *Shaddai* tih awmzia tak hi hriat chian theih ni lo mah se, “Engkimtitheia” tia a lo dah hi a dik ber niin a lang (*Isaia 13:6 leh Joela 1:15 te pawh eng bawk la.*) Hê hming kher a rawn hman chhan nia lang chu Pathian thiltihtheihzia leh chakzia tihlan paha mihringte chak lohzia leh dawrâwmzia hriattîr a ni.

Abrama hnêna Pathianin a chakzia leh a thiltihtheihzia a puanna Genesis 17:1–6 hi chhiar la. Engati nge hemi tum hian LALPAN Abrama hnênah a thiltihtheihzia leh chakzia uar taka sawi a duh le? Chu a chakna leh thiltihtheihnaa innghah mai chu Abrama hian a tih tûr a nih tih a hriat theih nân Pathianin eng nge a sawi? A bîk takin châng 6-na hi chhiar ngun leh zual ang che.

Genesis 17:1–6 thu hi Hebrai tawnga a inziah dân, a ngialngana lehlin chuan, “Jehova chu Abrama hnênah a rawn inlâr a, ‘Kei hi El-Shaddaia ka ni; ka hmâah kal la, tha famkimin awm rawh; tichuan, kei leh nangma inkârah ka thuthlung ka siam

ang a, tin, nasa takin ka tipung ang che . . . Tichuan, hnam tam takte pa i ni ang a . . . rah tam tak ka chhuahtîr bawk ang che” tia dah tûr a ni ang. He hming vêk hi Genesis 28:3-ah pawh a lo lang leh a, chutah chuan *El Shaddhaian* Jakoba mal a sâwm ang a, chi tam tak a thlahtîr ang a, a la tihpun thûr thûr tûr thu Isaakan a sawi a ni.

‘El Shaddaia thutiam hi Genesis 35:11-ah te, Genesis 43:14-ah te leh Genesis 49:25-ah te pawh kan hmu a. Hêng chângte hian Pathian thilphalzia an tilang: Pathian thiltitheï leh thunei tak *‘El* leh a hausak ren rual loh *Shaddai* chuan rinna leh thuâwihnaa zawngtute hnênah chuan ui hauh lovin a malsâwmna a thlen dâwn a ni.

Hming hian korî a tu lêm lo a ni tih tan chhan atân rose pawh hi hmang hran daih vuah pawh ni la, a rim erawh a la tui reng tho ang tiin an sawi thîn a. Chutih rual chuan, LALPA hming hi “Pathian Derthâwng” tih emaw, “Pathian Chak Lo” tih emaw lo ni ta se, eng tiang chiahin nge amahah thlamuanna leh beiseina i neih ang? Vawiin zirlâi inngahna Bible châng kha chhiar leh la. “Pathian Engkimtitheï” tiha “Engkimtitheï” tih lai tak khi “Derthâwng” tiin leh “Chak Lo” tiin han thlâk chhin teh. Hetiang hian Pathianin a nihna rawn sawi ta sela, chu chuan i rinna tichak sawtin amahah rinna a ngah ngamtîr che ang em? Chutih lâi chuan, ‘El Shaddai tih hming hian eng tiangin nge thlamuanna min pêk ve thung le?

THAWHLEHNI

APRIL 20

Abrama ni thîn Abraham a lo ni ta (*Gen. 17:4, 5*)

Pathian hming hian thlarau lamah leh thurin hrilh fiah kawngah pawh pawimawhna nei tho mah se, chutah chuan a tâwp ngawt lo thung. Hmâsâng Bible ram vêla chêngte hming kha tûn lâia Sapho leh hnam dang thenkhatte hming anga awmzia nei lêm lo

hi a ni ve lo va. Entîr nân, fanu kan lo nei a, chu kan fanu thar chu *Mary* tih hming kan sa emaw, *Susy* tih hming kan sa emaw, a danglamna vak a awm hran lo. Amaherawhchu, hmâsâng Sema thla hnamte ngaih dânah chuan mihring hming rêng rêng hian thlarau lamah pawimawhna thûk tak a nei thîn a, awmze eng emaw tak nei a ni zêl. Chutianga an hming inphuahte chu a tlângpuin thumal pakhat emaw, ÷awngkam tâwi tê emaw niin, a hming putu tûr nu leh pate thil duh sawi chhuahna lam emaw, lâwmthu sawina emaw a ni thîn. Entîr nân, *Daniela* tih awmzia chu “Pathian chu rorêltu a ni” tihna a ni a; *Joela* tih awmzia chu “Yahweh chu Pathian a ni” tihna a ni a; tin, *Nathana* tih awmzia chu “Pathian thilthlâwnpêk” tihna a ni.

Hetianga an hmingten awmze thûk tak a neih thîn avâng hian an nuna thil inthlâkthleng lian tak eng emaw a thleng a nih chuan an hming pawh an thlâk phah châwk rêng a ni.

Hêng Bible chângte hi chhiar la. Eng thil thleng chungchâng thu nge an sawi a, eng vângin nge an hming thlâksak an nih le?

1. *Gen. 32:28* _____
2. *Gen. 41:45* _____
3. *Dan. 1:7* _____

Kawng khatah ngaihtuah chuan, tân lâi mîte rilru-ah ngei pawh hian kan inkoh dân hian awmzia a nei thui hle a ni tih hi hriat thiam harsa pawh a ni lêm lo hle. Entîr nân, mi tu emaw chu “mi-a-pa” tiin emaw, “hmelchhe-pa” tiin emaw ko ta fo mai ila, chutiang chuan mi dang pawhin lo ko ve bawk thîn ta se—nakînah chuan chûng hming lem kan phuahsak chuan amah a inhmuh dânah pawh nghawng a nei thei a ni. Chutiang chiah chuan, mi tu emaw hming i phuahsak emaw, an hming i thlâksak emaw a nih chuan chu i phuahsak emaw, i thlâksak emaw hming chuan amah a inhmuh dânah nghawng a nei thei a, a nun dân leh thil tih dân pawh a dan phah daih thei.

Hei hi rilru-ah kan hria a nih chuan, Pathianin Abrahamama tia Abrama hming a thlâksak a duh chhan kha kan hre thiam thei mai âwm e. Abrama tih awmzia chu “Pa chu châwisânin a awm” tihna a ni a; tichuan, Pathianin Abrahamama tia thlâkin, chumi awmzia chu “Mi tam takte pa” tihna a ni ve thung. Thuthlung thutiam Pathianin, “Tin, nasa takin chi ka thlahtîr ang chia, nangmahah chuan chi tih tham zet zette ka siam ang a, nangmah atang chuan lalte an lo chhuak bawk ang” (*Gen. 17:6*) tih thu hi kan en chuan, khatia a hming a thlâksak chhan pawh kha kan hre thiam ngei ang. Hetia a tih chhan chu thuthlung thutiam rinna nghahtîr a duh vâng a nih a rinawm a, chu thutiam chu putar kum 99-a upa, a nupui pawh pitar ni ve tho tawh, ching leh nghâl hnêna a sawi a ni nghe nghe. A tâwi zâwngin sawi ila, Pathian hian Abrahamama kha a hnêna thutiamte a lo rin deuh deuh theih nân a hming a thlâksak a ni.

NILÂINI

APRIL 21

Thuthlunga rabhi hrang hrangte (*Gen. 12:1, 2*)

Genesis 12, 1, 2-ah hian Pathianin Abrama thu a rawn thlunpuia a thil tih hmasak pathumte puan chhuah a ni a. Abrama a rawn bia a, thu pe a, tichuan, a hnênah thu a tiam ta a nih kha. Hetia Pathianin a rawn *bia* hian Abrama a thlan chhan kha amah a khawngaih vâng niin, chu chu a thuthlunga a langsâr hmasa ber pawh a ni bawk tih a tilang a. *Thu a pêk* hmang hian Abraman Pathiana rinna a nghah tak zet leh tak zet loh fiah a ni a (*Heb. 11:8*). *Thutiam* hian (*Gen. 12:1–3, 7*), Abrama thlahte hnêna a sawi chu ni tho mah se, khawvêl mihring zawng zawngte a huam vek a ni (*Gen. 12:3; Gal. 3:6–9*).

Hemi hnua Pathian thil tih dang lehte chu Genesis 15:7–18-ah hian kan hmu a. A khawi lâi chângahnte hian nge a thil tih hmasak zâwkte zînga mîte kha kan hmuh nawn ve leh le?

**Pathianin mihring a rawn bia. Eng chângahnte nge?
Pathianin a thu zâwm tûrin mihringte thu a pe. Eng
chângahnte nge? Pathian thutiam. Eng chângahnte nge?**

Genesis 15:7–18-hian LALPA chu Abrama hnênah lo langin uluk taka dah ran ruang sah phel kârah chuan a rawn kal ta a. Hêng ran pathumte hi talh a nih hnu-ah a taksa chu a lâi takah a sât phel theuh a, a phel pakhat chu a phel lehlam zâwnah zêl a dah a, a inkârah kalna tûr hmun âwl a siam a. Hetih lâi hian safate erawh chu tihlum ni ve tho mah se, a phel ve lo. Thuthlunga lût tûrte chu hêng ran ruang sah phel inkârah hian an kal tûr a ni a, chu chuan thuthlunga an rinawmzia leh thluthlungin a phût thilte chu thuâwih takin an ti zêl dâwn a ni tih a enfîr.

**Pathianin Abrahamama thu a thlunpui tuma a thil tih
hnuhnûng berte chu eng nge ni? (Gen. 17:1–14).**

Abrahama tih hming awmzia hian Pathianin mi zawng zawng chhamdam vek a duhzia leh tumzia a tilang a. “Hnam tam tak” tih hian Juda-te leh Gentail-te pawh a huam vek a ni. Thuthlung Thar lehkhavute hian Abrahamama thlah dik takte chu Abrahamama rinna ang rinna neite leh Messia thil tha tih rin chhantute an ni tih chiang takin an sawi hlawm a (*Gal. 3:7, 29 en ang che.*) Chutiang chuan, Abrahamama aţang daih tawh khân LALPA thiltum chu a theih anga tam mihringte chhandam a ni a, a hnam ang zâwna inthliar hranna a awm lo. Chutiang chu tûn lâi hunah pawh hian a la ni reng bawk.

**Thupuan 14:6, 7-a vântirhkoh pakhatna thuchah hi chhiar
la. Heta vântirhkohin thil a sawi leh Pathianin Abrahamama
thu a rawn thlunpui lâia thil thlengte hian a inanna eng nge
an neih?**

Thuthlungin a phûtte

“LALPA kawng an zawh theih nân a hnu-a fate leh a chhûngte, thil fel taka ti tûr leh rorêl anga ti tûra thu a pêk a theihna tûrin ani chu ka ruat tawh si a; chutichuan, a chungchâng thu a sawi chu LALPAN Abrahama chung a thlentîr theihna tûrin” (*Gen. 18:19*).

Kan hmuh tâk ang khân, thuthlung hi khawngaihna thuthlung, keimahni maia kan tih theih ngâi loh tûr Pathianin kan tâna a tih a ni zêl a. Abrahama a siampui thuthlung pawh kha a dang bîk chuang lo va ni.

A khawngaihna Pathian chuan Abramaha kha khawvêl hnêna chhandamna ruahman puan chhuah kawnga a hmanrua atân a thlang a. Pathianin a thuthlung thutiam a rawn tihfamkimna erawh chu Abrahaman fel taka thil tih a duhna nêl leh rinnaa a thu zawm a tumna nêl a inzawm tlat thung. Abrahama hian Pathian thu sawi kha âwih duh lo ta tlat se, Pathian pawhin a hmang thei bîk lo vang.

Genesis 18:19 hian khawngaihna leh dân inzawm dân a sawi a. He lâi chângah hian “ka ruat tawh si a” tih tawngkam a hmang a, hei hian Pathian khawngaihna tilangin, hemi hma chiah hian Abrahama kha LALPA thu zâwm tûr mi, amah mai ni lovin, a fate pawh zâwm ve tûra zirtirtu a nih thu a lo sawi baw. Chutiang chuan, he chângah hian rinna leh thiltihte chu a nih dân tûr ang taka inzawm hnâiin a lo lang a ni (*Jak. 2:17 en la.*)

Chutih rual chuan, Genesis 18:19 tâwp lama a tawngkam hman hi en ila. Hetah hian Abrahama thuâwihzia eng tin nge sawi a nih? Thuâwihna hi chhandamna channa kawng chu ni lo mah se, eng nge a pawimawhna awm tho baw si? Hemi chângin a sawi dân a tawng hian, thuâwihna tel lovin thuthlung hi hlen chhuah theih a ni em? I chhânna chu han sawi fiah deuh teh.

Thuthlungin a ken tel malsâwmnate hi a lo changtu tûrten an tih ve ngâi thilte an tih ve chuan si loh chuan a takin an chang thei lo va. Hêng an tih ve ngâi thilte hi thuthlung siam nâna thil tûl chu ni lo mah se, Pathian an hmangaihzia, an rinzia leh a thu an âwihzia a tihlanna tûr erawh a ni thung. Mihringte leh Pathian inkâra inlaichîn tawnna awm thatzia tilangtu tûr a ni a. Thuâwihna hi Pathianin a mîte hnêna a thuthlung thutiamte a hlen chhuah theihna kawng pawimawh tak a ni.

Thuâwih lohna avânga thuthlung bawhchhiatna hi inlaichînna kawng rinawm lohna a ni a. Thuthlung bawhchhiat a nih hian, Pathian pawhin a thutiamte chu a hlen thei ta bîk thîn lo va. Pathian leh mihringte inkâra hmangaihna leh inrin tawnna awm chu a lo keh chhe ve nghâl thîn bawk a ni.

Nagmâ nun tawngah khân thuâwihna pawimawhzia i lo hre ve tawh em? Bible ațangin emaw, nangma thil tawn ațangin emaw, thuâwih lohna avânga thuthlung thutiamte hi chôn daih theih a nih dân han sawi teh. Chông thuthlung thutiamte chu i chôn loh theih nân eng nge i tih ang?

ZIRTÂWPNI

APRIL 23

Zir Belhna: Ellen G. White-i lehkhabu *Thlahtubulte leh Zâwlneite* phêk 106–113, “Abrahama Kohna” tih leh, *Tirhkohte Thiltih* phêk 188–200, “Juda-te leh Gentail-te” tih chhiar ni se.

Chhimbâl hi Pathian leh Nova inkâra thuthlung chhinchhiahna a ni a. Pathian leh Abrahama inkâra thuthlung chhinchhiahna kha eng nge ni tih hre tûrin Genesis 17:10 chhiar ang che. Serhtan hi: 1) Gentail-te laka Abraham thlahte thliar hranna tûr te (*Efesi 2:11*), 2) Jehova thuthlung an hriat rengna tûr te (*Gen. 17:11*), 3) thínlung thianghlim an lo neih theihna tûr te (*Deut. 10:16*), 4) rinnaa felna chang an ni tih entîrna tûr te (*Rome 4:11*), 5) thínlunga serhtan chhinchhiahna atân te (*Rome 2:29*) leh, 6)

Kristian baptisma lo entîr lâwkna atân te (*Kol. 2:11, 12*) ruat a ni.”— *The SDA Bible Commentary*, vol. 1, pp. 322, 323.

Khawvêl tâwp hma chu chhimbâl hi Pathian thutiam chhinchhiahna a la ni chhunzawm zêl dâwn a; chutih lâiin serhtan erawh hi chu a ni ve lo ang. Tirhkkoh Paula sawi dân chuan, serhtan thupêk hi Pathian a rin avânga a dawn felna chhinchhiahna angin Abrahamana khân a dawng lo va (*Rome 4:11*). Amaherawhchu, kum za eng emaw ti chhông chu serhtan hi dân zawm avânga chhândamna chan entîrtu anga hman a ni thîn thung. Thuthlung Thar hun a lo inher chhuak a, serhtan chuan pawimawhna nei tawh lovin, Isua Krista rin chu thil pawimawh ber a lo ni ta a, chu chuan thuâwihna leh nun thlâk danglamna a rawn thlen ta a ni. Galatia 5:6; Galatia 6:15; leh 1 Korin 7:18, 19 chhiar ang che.

Sawi Ho Tûrte:

- ① Rina leh thiltih inzawm dân sawi ho rawh u. Pakhat zâwk tel lo hian pakhat dang hi a awm thei em? A awm thei lo a nih chuan, eng vânga awm thei lo nge ni?
- ② “Mi tam tak chu Abrahamana fiah a nih ang hian fiah an la ni reng a. Vân aţanga Pathianin thu a rawn sawi rî chu hre hran lo mah se, a Thu zirtîrna leh a awmpuina hnuai thil thlengte hmanga koh an ni. Hausakna leh châwimâwina an dawn ngei theihna tûr an hnathawhte chu bânsan tûra tih an ni mai thei a, an tui zâwng leh nuam tih zâwng tak pâwl aţanga chhuak tûra tih an ni mai thei a, tin, an chhôngkhat lainate nên inthen a, mahni inphatna, harsatna leh mahni inhlanna kawng zawh tûra phût pawh an ni mai thei bawk. Pathian chuan an thawh tâwk tûr hna a siamsak a; mahse, nuamsa taka nun duhna leh a thianta leh chhôngkhat lainate an ngaih pawimawhna chuan an thawh tûra Pathianin hna a ruatsak chu an thawh theih lohna tûrin a tibuai thîn a ni. Mihringte huvâng leh ţanpuina lak ata inla chhuak a, a

ṭanpuina an mamawhzia leh amah chauha innghah a pawimawhzia hre thiam tûrin a ko chhuak a, chutichuan an hnênah a inpuang chhuak thei dâwn a ni. An ruahmanna lo siam vete chu thlah a, an ṭhian ṭha leh chhungkhat lainate kalsan tûra Pathianin a kohna hi chhâng thei tûrin tu nge inpeih le?”—Ellen G. White, *Thlahtubulte leh Zâwlneite*, pp. 107, 108. **Tûn lâi huna he kohna chhângtu in hriatte chanchin sawi ho ang che u.**

KHÂIKHÂWMNA: Pathian chuan Abrahamana kha amah nêna inlaichînna ṭha tak nei tûrin a ko va, chu an inlaichînna chuan khawvêl hnênah chhandamna ruahman hi a puang dâwn a ni.